

Safe Wisconsin Produce

Peb Yog Leej Twg

Safe Wisconsin Produce yog ib qhov txheej txheem pab cuam ntawm DATCP los koj raws tsoom fww teb chaws cov cai tswj hwm kev nyab xeeb txog khoom noj khoom haus hauv tus yam ntxwv uas ua kom nkag siab rau Wisconsin cov neeg cog qoob loo los ua kom ntseeg tau tias muaj kev nyab xeeb thiab qhov zoo nkauj tshaj plaws ntawm tej khoom yus cog uas tau cog hauv xeev no. Pab pawg ua hauj lwm los qhia rau Wisconsin cov neeg cog qoob cog loo uas yuav tsum tau ua kom tau raws li cov cai tswj hwm ntawm Txoj Cai Hais Txog Kev Nyab Xeeb Ntawm Tej Khoom Yus Cog ua ntej yuav pib muaj kev tshuaj ntsuam xyuas hauv liaj teb kiag.

Qhov txheej txheem pab cuam no yog qhov yuav tshwm sim los ntawm Food Safety Modernization Act (Tsab Cai Hais Txog Kev Txhim Kho Kev Nyab Xeeb Ntawm Tej Khoom Noj Khoom Haus Kom Zoo Tuaj, FSMA) hauv xyoo 2011, uas tau pab kom muaj kev tsom rau ntau zog no txog kev tiv thaiv tsis pub muaj cov teeb meem txog kev nyab xeeb ntawm khoom noj khoom haus ntau dua qhov mam li los hais daws cov teeb meem thaum uas lawv tshwm sim lawm xwb.

Yog tias koj muaj lus nug hais txog qhov uas txoj cai yuav cuam tshuam rau koj txoj kev ua hauj lwm, los sis xav paub ntxiv hais txog cov peev txheej kev pab uas muaj, tiv tauj:

Safe Wisconsin Produce
(608) 224-4511
safeproduce@wi.gov

Ntaub ntawv qhia paub thaib cov peev txheej kev pab ntxiv muaj nyob rau nawm <https://safeproduce.wi.gov>



Tau txais kev pab nyiaj rau kev luam daim ntawv no tawm, yog ib feem los ntawm Teb Chaws Mes Kas Lub Chaw Tswj Xyuas Khoom Noj thiab Tshuaj (U.S. Food and Drug Administration) los ntawm kev muab nyiaj pab PAR-16-137. Cov zeem muag uas tau hais qhia hauv cov ntaub ntawv sau cia no los sis cov ntawv luam tawm no, thiab los ntawm cov neeg hais lus saum sam thiab los sis tus neeg npaj txheej txheem kev sib tham, tsis tas yuav hais txog cov cai raws txoj cai ntawm Teb Chaws Mes Kas Lub Thawj Fab Saib Xyuas Hauj Lwm Txog Cov Kev Pab Cuam Rau Fab Kev Noj Qab Haus Huv thiab Tib Neeg (U.S. Department of Health and Human Services); los sis tsis tas hais txog cov npe lag luam, cov kev coj ua fab kev ua lag luam los sis lub koom haum uas qhia txog tias lees txais los ntawm Teb Chaws Meskas cov tsoom fww



Wisconsin Lub Thawj Fab Saib Xyuas
Hauj Lwm txog Kev Ua Liaj Ua Teb,
Kev Lag Luam thiab Kev Poav Thaiv
Tus Neeg Siv Khoom

Feem Hauj Lwm Lis Kev Nyab Xeeb
Txog Khoom Noj Khoom Haus thiab
Kev Ua Si Lom Zem
2811 Agriculture Drive
PO Box 8911
Madison, WI 53718
<https://datcp.wi.gov>

P-DFRS0171HM.indd (rev. 00/23)



Kev Tshuaj Xyuas Kev Npaj Txhij Hauv Liaj Hauv Teb Kiag

Wisconsin Lub Thawj Fab Saib Xyuas Hauj Lwm txog
Kev Ua Liaj Ua Teb, Kev Lag Luam thiab Kev Poav
Thaiv Tus Neeg Siv Khoom

Feem Hauj Lwm Lis Kev Nyab Xeeb Txog Khoom Noj
Khoom Haus thiab Kev Ua Si Lom

Kev tshuaj xyuas kev npaj txhij hauv liaj hauv teb kiag yog dab tsi?

Kev tshuaj xyuas kev npaj txhij hauv liaj hauv teb kiag yog kev ntsuam xyuas cov kev coj ua txog kev nyab xeeb ntawm tej khoom uas yus cog ntawm koj lub liaj lub teb. Kev ntsuam xyuas yuav tshuaj xyuas koj qhov kev teeb tim uas tsis xws li luag tej kom pom tau hais tias koj cov kev ua hauj lwm haum raws li tsoom fwm teb chaws cov cai rau U.S. Food and Drug Administration (Teb Chaws Mes Kas Lub Chaw Tswj Xyuas Khoom Noj thiab Tshuaj, FDA) Txoj Cai Tswj Kev Nyab Xeeb Ntawm Tej Khoom Yus Cog li cas.

Kev tshuaj xyuas yog:

- Yus yeem yus xwb
- Muab yam tsis tau them nqi ntxiv
- Tshwm sim ib zaug nkaus xwb, ua ntej yuav muaj kev tshuaj ntsuam
- Saib tag nrho lub liaj lub teb
- Tau tsom rau cov cheeb tsam tseem ceeb rau kev nyab xeeb ntawm tej khoom yus cog

Cov txoj ntsig ntawm kev muaj kev tshuaj ntsuam yog dab tsi?

- *Qhov yooj yim:* Koj xaiv hnub tim thiab lub sij hawm tau
- *Kev txaus siab ntiag tug:* Tau txais kev pab fab kev nyab xeeb ntawm khoom noj khoom haus los ntawm cov kws tshaj lij fab kev lag luam
- *Kev npaj cia ua ntej:* Pab koj npaj koj lub liaj lub teb txog kev tshuaj ntsuam txog Txoj Cai Kev Nyab Xeeb Ntawm Tej Khoom Yus Cog
- *Kev txhawb nqa:* Muab phau ntawv qhia kev siv txog tej peev txheej kev pab ntawm kev tshuaj xyuas kev npaj txhij hauv liaj hauv teb kiag rau koj

Muaj dab tsi nyob hauv phau ntawv qhia kev siv txog tej peev txheej kev pab ntawm kev tshuaj xyuas kev npaj txhij hauv liaj hauv teb kiag?

- Qhov cuab yeej khoom siv txog kev ua raws li Txoj Cai Kev Nyab Xeeb Ntawm Tej Khoom Yus Cog
- Phau ntawv qhia txoj kev siv rau kev ntsuam xyuas cov kev coj ua txog kev nyab xeeb ntawm tej khoom yus cog hauv liaj hauv teb kiag piv rau cov kev cai uas yuav tsum ua kom tau raws txoj cai
- Kev tsom xam txog cov kev pheej hmoo uas yuav tshwm sim txog kev nyab xeeb ntawm tej khoom

yus cog yam tseem ceeb uas yuav xav kom muaj kev muab siab rau kiag tam sim ntawd

- Daim ntawv qhia ntaub ntawv, cov ntaub ntawv peev txheej kev pab thiab ntsiab lus tshab txhais
- Cov ntsiab lus ntxaws—tsis yog tsuas yog yam yuav tsum tau muab hais daws xwb, tab sis txoj hauv kev huav hais daws nws thiab

Kuv yuav tau pom dab tsi thiab thaum ua kev tshuaj xyuas?

Wisconsin Lub Thawj Fab Saib Xyuas Hauj Lwm txog Kev Ua Liaj Ua Teb, Kev Lag Luam thiab Kev Poav Thaiv Tus Neeg Siv Khoom (DATCP) tus neeg ua hauj lwm ib leeg los sis coob dua ntawd yuav tuaj txog ntawm koj lub liaj lub teb. Lawv yuav nug ib pawg lus nug thaum uas koj coj lawv ncig xyuas koj tej kev ua hauj lwm. Lawv yuav soj qab xyuas cov kev coj ua txog kev nyab xeeb ntawm tej khoom yus cog, sau cim tseg kom txog rau thaum ua tiav kev ntsuam xyuas.

Thaum DATCP tus neeg ua hauj lwm tau nug lawv cov lus nug thiab tau soj qab xyuas cov kev coj ua txog kev nyab xeeb ntawm tej khoom yus cog hauv liaj hauv teb kiag txaus lawm, lawv yuav piv cov ntawv sau cim tseg thiab npaj lawv cov lus xaus kawg nkaus. Tom qab ntawd pab pawg ua hauj lwm yuav mus tham txog kiag yam uas ua tau thiab ua tsis tau raws li tsoom fwm teb chaws cov kev cai uas yuav tsum ua kom tau. Hais txog cov kev coj ua uas ua tsis tau raws li cov qauv cai kev nyab xeeb ntawm tej khoom yus cog, pab pawg ua hauj lwm yuav qhia koj saib txog phau ntawv qhia siv tej peev txheej kev pab los kawm paub ntau ntxiv hais txog cov hauv kev uas txhawb nqa txog kev nyab xeeb ntawm tej khoom yus cog kom tau zoo tshaj plaws. Tag nrho cov ntawv sau cim tseg thiab cov kev soj qab xyuas yuav muab tso cia rau ntawm tus neeg cog qoob loo.



Cov Lus Nug Uas Nquag Nug

Thaum twg kuv thiaj li thov tau kev tshuaj xyuas?

Koj tuaj yeem teem sij hawm txog koj li kev tshuaj xyuas tau txhua lub sij hawm nyob rau lub caij nyooq cog qoob cog loo los ntawm kev nkag mus saib hauv <https://safeproduce.wi.gov>.

Qhov kev tshuaj xyuas yuav siv sij hawm ntev npaum li cas?

Li ntawm 1.5-3 teev, saib raws li qhov loj me thiab cov dej num ntawm koj lub liaj lub teb.

Kuv mus siv kev tshuaj xyuas ntawm lwm tus neeg puas tau?

Tam sim no, tsuas muaj DATCP muab qhov kev pab cuam no nkaus xwb. Feem ntau UW Extension tau txais kev caw mus koom nrog, thiab tus neeg cog qoob loo yeej caw tau cov qhua ywj siab tuaj soj qab xyuas qhov kev tshuaj xyuas.

Koj puas yuav tshuaj xyuas cov ntaub ntawv teev tse txog kuv lub liaj lub teb?

DATCP pab pawg ua hauj lwm tuaj yeem tshuaj xyuas cov ntaub ntawv teev tseg yog tias tus neeg cog qoob loo thov.

Kev muaj kev tshuaj xyuas puas yuav cuam tshuam rau thaum kuv yuav tau txais kev tshuaj ntsuam?

Kev muaj kev tshuaj xyuas yuav qhia pom tias tus neeg cog qoob loo pom txog qhov tseem ceeb ntawm kev nyab xeeb ntawm tej khoom yus cog tiag li thiab ua rau lawv qhov kev tshuaj ntsuam tsis tshua tseem ceeb lawm.

Kuv yuav rau npe rau qhov OFRR tau li cas?

Mus saib hauv <https://safeproduce.wi.gov> thiab nias rau txoj kab txuas hais txog kev tshuaj xyuas kev npaj txhij hauv liaj hauv teb kiag. Koj tuaj yeem xaiv hnub tim thiab sij hawm tau, ntaus koj cov ntaub ntawv tiv tauj rau, thiab xa koj daim ntawv thov tuaj. Tsis tas li ntawd, koj kuj tuaj yeem hu rau DATCP

Qhov Txheej Txheem Pab Cuam Safe Wisconsin Produce tau ntawm (608) 224-4511, tus email safeproduce@wi.gov, los sis xa koj daim ntawv thov raws pais xab nis mus rau:

Safe Wisconsin Produce
P.O. Box 8911
Madison, WI 53718-8911